

**PUEBLO DI ARUBA A
SALI MASALMENTE
PA CELEBRA NOS DIA
NACIONAL**



WWW.SOLODIPUEBLO.COM



SOLODIPUEBLO@GMAIL.COM

**AVION DI DELTA
AIRLINES A BOLBE BEK
ARUBA CU PROBLEMA
DI MOTOR**



**TA PIDI INFORMACION
PA CU E CASO DI E FETO
ENCONTRA RIBA 10
MAART 2024**



**SECRETARIO DI ESTADO
ALEXANDRA VAN HUFFELEN A
REUNI CU PROME MINISTER Y CU
DIFERENTE DEPARTAMENTO DI
GOBIERNO**



**MINISTER TJON Y
GOBERNADOR BOEKHOUDT A
HACI RECORIDO DEN KIA**



**Mientras cu Procurador General
a exige castigo**



**HOF TA HAYA
CU HUNGADOR
PROFESIONAL
DI POKER NO A
LABA PLACA**

**Prome Minister Evelyn Wever-Croes:
Iniciando su bishita di trabou na Aruba,**

**SECRETARIO DI ESTADO ALEXANDRA VAN HUFFELEN
A REUNI CU PROME MINISTER Y CU DIFERENTE
DEPARTAMENTO DI GOBIERNO**



Diaranson mainta 20 di maart, Prome Minister Evelyn Wever-Croes a reuni cu Secretario di Estado Alexandra Van Huffelen y su delegacion. Awe ta e prome dia di varios reunion cu tin planea entre Secretario van Huffelen y diferente departamento di Gobierno di Aruba.

E prome reunion tawata cu Departamento di Impuesto (DIMP) hunto cu Minister di Finanzas Xiomara Maduro. Aki DIMP a duna un presentacion riba locual nan departamento ta haciendo den cuadro di e Landspakket. Un presentacion interesante den cua e departamento a muestra riba avancen grandi cu tin y cu practicamente a elimina tur atraso cu

excepcion di e proyecto di bezwaarschrift.

Por bisa si cu ya tin cambio den esaki mirando cu actualmente ora bo yena e formulario e tempo di espera pa bo haya un contesta riba bo caso a bira menos cual ta algo hopi positivo. Tambe algo sumamente positivo ta e desaroyo den e departamento mes specialmente despues di e BBO bij invoer.

E siguiente reunion tawata cu e Departamento di Recurso Humano (DRH) unda e departamento a duna un presentacion amplio riba varios proyecto den cuadro di e Landspakket. Durante e presentacion aki Prome Minister a keda hopi satisfecho di por a wak

e disminucion di cifra di “empleadonan non-actief” cu ora Gabinete Wever-Croes a drenta gobierno tawata di mas di 80 personal y awor ta solamente 8. Mescos e porcentahe di e “ziekte verzuim” e asina yama AO, a baha di 8% pa 6%. Tambe a muestra riba e bon resultadonan di e “prestatie management systeem”, esaki ta e sistema di evaluacion cu a wordo introduci pa empleadonan publico.

Despues Prome Minister y Secretario di Estado a reuni y a papia riba e procesonan en general di e Landspakket y kico lo ta e prioridadnan pa cu esaki. Prome Minister a remarca cu na aña 2023 durante un reunion cu Minister Rob Jetten, a anuncia cu lo tin fondonan disponibel pa Aruba y durante e reunion di awe Prome Minister a haya informacion cu e procesonan pa esaki lo keda cla pa mediano di e aña aki y Aruba lo tin acceso na e fondonan aki pa prome di januari 2025.

Prome Minister a indica cu en general, e reunionan a bay bon y cu tin varios reunion mas riba agenda, entre otro cu AZV, Departamento di Enseñansa y tambe Secretario van Huffelen lo topa cu e “trekker-nan” kendenan ta e personanan



encarga cu e mas di 100 tarea den cuadro di e Landspakket.

“Y naturalmente nos lo atende tambe e refinanciamiento di e

debe y e interes abou pa Aruba. Te awo reunionnan ta bayendo bon y mi tin fe y confiansa cu e otro reunionnan tambe lo bay bon”, Prome Minister a enfatisa.



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden het door Land Aruba te financieren project:

Het project: “Reconstructie Brug te Julianastraat.”

Volgens bestek: DOW nr. 05, d.j. 2024.

Korte omschrijving van het werk:

Aanleg steenzetting en zand ‘dam’, droog pompen water in kanaal, verpompen en transport slib, storten betonplaat fundering, storten beton pijlers, storten beton balken en brug dek, aanleg stalen reling, schilderwerken en wegbelijning, verwijdering steenzetting en zand ‘dam’, opleveringsschoonmaak.

Uitvoeringstermijn: 80 werkbare dagen.

Het bestek is vanaf **20 maart 2024** verkrijgbaar bij DOW tegen betaling van **Afl. 450,00**. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **20 maart 2024** te DOW bij het Secretariaat van de Directie.

Inlichtingen worden verstrekt op **26 maart 2024** om 10.00 uur v.m. te DOW. De Nota van Inlichtingen wordt vastgesteld op **03 april 2024**. De openbare aanbesteding vindt plaats op **19 april 2024** om 11.00 uur v.m. op het kantoor van de directeur van de Dienst Openbare Werken.

De L.O.A. L.B. 1996 nr. 58 is op deze aanbesteding van toepassing. De directievoering is in handen van de Dienst Openbare Werken. De gestanddoeningstermijn is 90 dagen.

De inschrijver moet bij zijn inschrijving de volgende vereisten overleggen:
1. Bereidheidsverklaring van een lokale bank tot het instellen van een bankgarantie;
2. De staat van eenheidsrijzen voor verrekening van meer- en minderwerken;
3. Bewijs van inschrijving in het register van de Kamer van Koophandel;
4. Overige vereisten zijn opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

CUERPO POLICIAL TA INFORMA--

TA PIDI INFORMACION PA CU E CASO DI E FETO ENCONTRA RIBA 10 MAART 2024

Diadomingo 10 maart 2024 pa 13:05 central di polis ta wordo notifica pa un persona cu nan a bin contra cu un Feto. E prome informe cu central di polis ta haya ta cu segun e personanan e ta muestra di ta trata un animal morto y e tabata dera den santo pero nan no ta sigur.

Central di polis ta despacha patruya na un rancho na "Piedra Cora" situa banda di caminda poco prome cu yega Natural Bridge.

Patruya ta yega na e sitio menciona y ta confirma cu di berdad ta trata di un feto morto lora den paña. A dirigi e team forensico di polis na e sitio y ta bin constata cu ta trata di un feto humano y no un feto di animal.

E mesun dia pa 14:30 fiscal a laga tuma e feto pa investigacion. Dia 11 maart 2024 Dr. Texier a haci autopsia riba e feto y a constata cu ta trata di un feto masculino di mas



o menos cinco pa seis luna den desaroyo y cu ta trata di un caso cu lo mester a pasa sea un of dos dia prome cu 10 maart 2024.

Si tin cualkier persona cu sa algo di e caso y si tin cualkier persona cu por a mira algo, por yama departamento di Jeugd- en

Zedenpolitie (J.Z.P.) na 281 3180 of por jama tipline di polis na number 11141 si bo persona ta desea di keda anonimo.

2 AMBULANS A BAY PA PERSONA CU TABATA TIN PROBLEMA PA HALA ROSEA Y NO TABATA REACCIONA NA SAN BARBOLA

Diasabra atardi a drenta informe di cu tin un persona cu problema pa hala rosea y no tabata reacciona na San Barbola, mesora a dirigi 2 ambulans

na e sitio. Na yegada di e ambulansnan mesora a cuminsa CPR pa asina logra haya pulso. Manera a haya pulso a hiba e victima pa hospital.



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden, het door Land Aruba te financieren project:

“Masterplan verbouwing Statengebouw, Deel 1”.

Volgens bestek DOW nr. 08 dj. 2024.

Korte omschrijving van het werk:
“Masterplan verbouwing Statengebouw, Deel 1”
Perceel 1: Slopen en nieuwbouw gebouw te Zoutmanstraat.
Perceel 2: Tussengebouw (Staten-Zoutmanstraat gebouw)
Perceel 3: Hoofd entree Staten gebouw.
Perceel 4: Bestaande betonnen balkon (binnenplein).
Perceel 5: Binnenplein.

Uitvoeringstermijn: **160 werkbare werkdagen** na datum van opdrachtbrief, incl. bestellingstijd.

Het bestek is vanaf **21 maart 2024** verkrijgbaar bij DOW tegen betaling van **Afl. 750,00**. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **21 maart 2024** te DOW bij het Secretariaat van de Directie.

Inlichtingen worden verstrekt op **28 maart 2024** om 9.00 uur v.m. te DOW. De Nota van Inlichtingen wordt vastgesteld op **03 april 2024**. De openbare aanbesteding vindt plaats op **19 april 2024** om 11.00 uur v.m. op het kantoor van de directeur van de Dienst Openbare Werken.

De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba (niet ouder dan 6 maanden).
2. Bereidheidverklaring tot het instellen van een bankgarantie of borg.
3. De staat van eenheidsprijzen voor verrekening van meer- en minderwerken.
4. Overige vereisten opgenomen in het bestek.
Inschrijving dient te geschieden op het bij het bestek gevoegde en gewaarmerkte inschrijvingsformulier.

LUNCH MENU **OKÉ TAKE AWAY**
SANTA CRUZ 36



-STEAK ALA PARILLA



-BATATA YENA CU CARNI

**-GALIÑA STOBA
-MOCHI PISCA
BALCHI PISCA**

**_MINIBOX_
BAMI GORENG**

HORARIO:
11:00AM- 3:00PM **746-3571-- 565-3232**



Noticia di Corte

Mientras cu Procurador General a existi castigo HOF TA HAYA CU HUNGADOR PROFESIONAL DI POKER NO A LABA PLACA

ORANJESTAD – Ayera mainta Hof di Corte Superior a trata e apelacion di Ministerio Publico, contra e sentencia di Hues di Corte den Promer Instancia, cu a declara e Arubiano P.S.(32) liber di e acusacion di labamento di placa.

SOLO DI PUEBLO por a compronde cu Hof a dicta sentencia di biaha y a confirma e sentencia di Hues. Hof ta declara P.S. liber di e acusacion di labamento di placa y cu mester debolbe P.S. e mas cu 62 mil florin y 25 mil dollar cu a confisca.

SOSPECHOSO DI LABAMENTO DI PLACA

E homber P.S. a duna un splicacion amplio na e tres Huesnan cu ta forma Hof di Corte Superior, cu e ta un hungador profesional di Poker y cu e placanan cu a haya den e caha fuerte den oficina di su tata, ta placanan cu el a gana den torneonan di Poker aki na Aruba. Ta asina cu dia 13 Januari 2021, relaciona cu e caso Avestruz, caminda e tata di P.S. ta un sospechoso, Polis a bay haci investigacion na e oficina y a haya den un envelop den e caha fuerte, 25 mil dollar y mas di 62 mil florin.

Hof a mostra cu tin documentonan di banco cu ta mostra cu P.S. a deposita placanan cu el a gana cu wega di Poker den casino. Hof a bisa cu Ministerio Publico a haci investigacion den e periodo 2019 y Januari 2021 y ta constata cu e suma ta menos cu loke a haya den e caha fuerte. P.S. a bisa Hof cu Fiscal di Ministerio Publico a haci investigacion entre e periodo 2019 pa

Januari 2021 pero P.S. a declara for di principio cu ta for di 2010 el a cuminsa spaar placanan di Poker cu el a haya. Hof a mostra cu na Polis P.S. enberdad a bisa cu for 2010 e tabata spaar y cu despues cu nan a horta na su cas na 2013, el a cuminsa usa e caha fuerte di oficina di su tata.

EXIGENCIA DI PG

Procurador General (PG) a bisa Hof cu investigacion na oficina di tata di P.S. ta relaciona caso Avestruz. PG a bisa cu e no ta kere cu door di wega di Poker, P.S. a gana tur e placa. PG a bisa Hof cu Ministerio Publico, no ta comparti sentencia di Hues cu a declara P.S. liber. PG ta haya cu ta legalmente proba cu P.S. ta culpabel di labamento di placa.

PG a bisa cu P.S. a demostra cu potretnan cu e ta un hungador profesional di Poker pero na opinion di PG, P.S. no por a demostra con el a gana e placanan. PG a bisa cu a investiga entre 2019 y 2021 con P.S. a hunga y e suma cu a haya den caha fuerte ta mucho mas cu e suma cu a calcula. PG a bisa Hof cu Hues di Corte den Promer Instancia, a bisa cu Ministerio Publico mester a investiga for di 2010 manera P.S. a bisa. PG a bisa Hof cu e no ta haya necesario pa a haci e investigacion aki. El a conclui cu e placanan ta procedente di labamento di placa. El a existi 120 ora di trabao of 60 dia sera y e placanan lo mester keda confisca.

ABOGADO

Mr. D. Kock a bisa Hof cu P.S. ta un hungador profesional di Poker. Ora Polis a haci investigacion na e oficina di e tata di P.S., a haya

e placanan den un envelop den e caha fuerte. Un trahador na e oficina, a bisa cu e placanan ta di P.S. E abogado a bisa Hof cu segun sentencia di Corte Supremo, ta Ministerio Publico mester demostra cu e placanan ta procedente di fuentenan ilegal y no cu ta P.S. mester demostra.

Abogado mr. Kock a remarca cu Ministerio Publico a bay laga haci investigacion den 2 casino y solamente e periodo 2019 pa 2021 y no manera P.S. a bisa cu for di 2010 e ta hungando Poker y spaar placa. Mr. Kock a bisa cu for di e investigacion di Ministerio Publico, a haya prueba cu P.S. ta un hungador exitoso di Poker y durante e periodo di Covid, esta 2019 pa 2021, el a gana 38 mil florin. E abogado a mostra cu P.S. a gana diferente torneo den exterior. E abogado a bisa Hof cu den ultimo 2 aña y mey, P.S. a gana 214 mil dollar den Poker.

Mr. Kock ta haya cu Ministerio Publico a faya di haci mas investigacion pa determina si realmente por papia di labamento di placa. E abogado a remarca cu e casino caminda P.S. a declara cu e tabata hunga mas tanto y a gana hopi ta na Holiday Inn y net e casino ey Ministerio Publico no a haci investigacion. E abogado ta haya cu e decision di Hues di Corte den Promer Instancia ta na su lugar y cu Hof mester declara PG no admisibel den su exigencia.

SOSPECHOSO DECLARA LIBER

Hof a pospone e caso un rato pa bay pensa si ta duna sentencia di biaha of si lo fiha un fecha. Despues di un rato Hof a bolbe y a dicta sentencia di biaha. Hof a bisa cu e ta mantene e sentencia y ta declara P.S. liber.

MITSUBISHI LANCER SHINISHI A BAY DAL TRAS DI AUTO Y A SIGI CORE BAY PERO E OTRO CHAUFFEUR A COY SU NUMBER

Diasabra atardi a drenta informe di un accidente hit & run riba Caya Ing. Roland H. Lacle, mesora a dirigi un patruya na e sitio. Na yegada di e patruya a bin compronde cu aki ta traya di un accidente unda un Mitsubishi Lancer shinishi a bay dal tras di e Nissan Tiida kibra e bumper y a sigi core bay. Pa suerte e chauffeur a logra gara e number y a duna polis esaki. Den e diano nos dilanti polis lo pasa atende cu e chauffeur si e mes no pasa meld na warda di polis y cu posibilidad cu nan detene.



AVION DI DELTA AIRLINES A BOLBE BEK ARUBA CU PROBLEMA DI MOTOR



Queen Beatrix International Airport - Diamars atardi groot alarm a wordo bati pa un avion di DELTA AIRLINES cu a caba di lanta, y tawata di regreso bek pa Aruba.

Informacionnan no oficial a indica cu e avion cu a caba di sali pa Atlanta cu 175 pasahero abordo, lo a hay'e confronta cu e problema banda robes(si

bo ta den e avion). Esaki mas cu claro e Capitan a avisa Toren cu e ta biniendo bek cu engine problem. Manera protocol ta indica, brandweer y ambulance a bay ariba stand by y polis tawata tin e tarea di cera camindanan pa asina trafico no aglomera y stroba salida y entrada si mester a usa esakinan.



+++

ATENCION!

Serlimar ta informa tur cliente:
schedule ruta residencial pa dia liber
Bierna Santo

Diadomingo	24 Maart 2024	Ruta di Dialuna
Dialuna	25 Maart 2024	Ruta di Diamars
Diamars	26 Maart 2024	Ruta di Diaranson
Diaranson	27 Maart 2024	Ruta di Diahuebs
Diahuebs	28 Maart 2024	Ruta di Diabierna
Diabierna	29 Maart 2024	Bierna Santo (Liber)
Dialuna	1 April 2024	Pasco di Resurreccion (Liber)
Diamars	2 April 2024	Ruta di Dialuna
Diaranson	3 April 2024	Ruta di Diamars
Diahuebs	4 April 2024	Ruta di Diaranson
Diabierna	5 April 2024	Ruta di Diahuebs
Diasabra	6 April 2024	Ruta di Diabierna

MINISTER ENDY CROES A PRESENCIA E BUNITA MARCHA CULTURAL DI ST. PAULUS SCHOOL NA SAN NICOLAS



D: En conexion cu Himno y Bandera, St. Paulus School a organisa

un bunita marcha cultural den e bario di San Nicolas. Minister di Enseñansa y Deporte Endy Croes y esposa Sra. Dilailah Croes tabata presente pa admira y gosa di e bunita marcha

cultural cu tabata basa riba nos turismo, cual ta e desaroyo economico di Aruba.

Un marcha cultural yena di energia, creatividad, color y ambiente. E alumnonan di klas 1 te cu 6 a presenta un tema diferente entre otro, I love San Nicolas, Flora y Fauna, Nos ta Aruba, Nos Industrianan,

Aruba su Historia y Turismo y Mi Compromiso cu Aruba. Minister Endy Croes a gradici cabesante Sr. Randy Arends, maestro, mayor y tur cu a contribui pa haci esaki posibel. Alabes, e mandatario di Enseñansa ta felicita e muchanan pa nan creatividad y engrandece cultura di nos dushi Aruba.

CELEBRACION DI DIA DI HIMNO Y BANDERA NA CAS DI CULTURA



Riba dia di Himno y Bandera, Cas di Cultura a habri su portanan pa henter comunidad di Aruba. E team dinamico di e plataforma cultural a prepara un programa di actividad interactivo pa grandi y chikito.

Cu e ayudo di e hobennan di Key Club di Colegio Arubano, Cas di Cultura a converti e sala di exposicion den un area di obra di man, unda cu

muchanan por a traha instrumento musical, pinta e bandera di Aruba, traha auto di careda cu carton, hunga teatro di sombra y pinta cara. Pa exactamente 12'or di merdia, e coro Novi Cantores, dirigi pa sr. Lodewijk de Cuba, a presenta Himno di Aruba, cual e publico presente a ricibi cu gran emocion. Parti pafo di e edificio, e chikitinnan a bula y gosa den dino jump, mientras

cu mayornan por a cumpra limonada fresco y disfruta di e mercado di artesanía.

Un obra musical cu a ricibi hopi cumplimento, ta "Amigonan di Cunucu" cu a wordo presenta pa meneer Jaderick, meneer Darrell y meneer Dwayne. Amigonan di Cunucu ta un obra musical interactivo cu a wordo presenta pa prome biaha na November 2023. E interes pa ripiti e obra aki tabata grandi y pa e motibo aki Cas di Cultura a opta pa present'e riba nos dia nacional. Cas di Cultura ta gradici tur esnan cu a haci nan un bishita riba dia di Himno y Bandera y ta bisa danki na tur voluntario y su miembronan di staff full time y part time cu a traha cu hopi entusiasmo pa



deleita pueblo di Aruba. Un danki special ta bai na e sponsornan cu a haci e Festival di Sopi posibel, incluyendo The Old Cunucu House, Barefoot Restaurant, Bingo Bar & Restaurant, Aruba Wine & Dine, Matthew's Beachside Restaurant, Windcreek Aruba, Casa Tua. Famia Werleman y Famia Van Den Heuvel.



MINISTER TJON Y GOBERNADOR BOEKHOUDT A HACI RECORIDO DEN KIA



Segun Minister di husticia a informa, diaranson mainta hunto cu Gobernador di Aruba, sr. Alfonso Boekhoudt, nan a haya un recorrido amplio

di e Instituto Coreccional di Aruba, pa por wak e diferente inversionnan cu a wordo haci recientemente. Prome cu e recorrido nan a haya un presentacion

amplio di e desaroyonan actual. Esunnan mas remarcabel ta cu dentro di poco lo bay traha cu personal fiho na e "jeugd afdeling" y tambe lo inicia cu e proyecto di cuido forensico. Lo bay brinda mucho mas actividad na nos hobennan, esaki debi cu tin un "assesment" a wordo haci bou di tur e detenidonan y di e forma aki sa cua cursonan y opleidingen tin nan preferencia. Di e forma aki lo duna mihor contenido na reintegracion y resocialisacion.

Minister Tjon a sigui informa cu un departamento cu recientemente a haya hopi atencion y inversion ta esun medico. Di e forma aki por cumpli cu rekisitonan pero alabes tambe mantene gastonan abou, hustamente door di brinda e cuido necesario. Tin diferente inversionnan infrastructural tambe tumando luga, pero e plan a largo plaso ta pa yega na un instituto nobo. Miembronan di



management team a duna un presentacion amplio di e avancen pa yega na e "projectdossier" aki, cual Hulanda ta asisitendo nos cune. Minister Tjon a bisa cu ta trata di un bishita hopi

positivo y tin mucho mas inversionnan na caminda pa personal, proyectonan y infrastructural. E fotonan ta ilustra mas di e bishita.

ANTHONY GUTIERREZ TA EMPLEADO SUPERIOR DI ARUBA BANK

Oranjestad – 20 di maart 2024 - Anthony Gutierrez ta empleado superior di Aruba Bank pa luna di februari 2024. Un empleado cu a demostra dedicacion y iniciativa sobresaliente, logrando asina e reconocimiento aki.

Su servicio excepcional a wordo demostra ora cu ela bai e "extra mile" door di proactivamente y eficientemente atende un caso di urgencia cu a laga e cliente sumamente satisfecho cu e servicio.

E compromiso di Anthony pa semper bai un paso

mas pa e clientenan di Aruba Bank ta refleha e balornan di e banco. Su accionnan a impacta positivamente e clientenan y a pone un standard halto pa e excelencia di servicio na cliente.

Den su tempo liber, e ta practica su hobby di futbol, caminda e ta forma parti di SV Atletico Santa Fe. Pa Anthony practica e deporte di futbol ta un manera agradabel pa keda fit y activo despues di un dia druk na trabou.

Pabien Anthony pa ta un empleado ehemplar cu ta forma parti di Aruba Bank.



Minister Endy Croes: PUEBLO DI ARUBA A SALI MASALMENTE PA CELEBRA NOS DIA NACIONAL Excelente Manifestacion Cultural riba Plaza Libertador Betico Croes.



Dushi Tera.

Tabata un anochi magnifico, unda tabatin diferente presentacion cultural entre otro, presentacion di ganado Festival Un Canto pa Aruba su Himno y Bandera, presentacion di scol subcampeon di Competencia di Baile Aruba, Orguyo di nos tur, presentacion di scol ganado di Competencia di Baile Aruba, Orguyo di nos tur, presentacion di ganado di Competencia di Fotografia Escolar, presentacion di tercer finalista di Poeta di Patria 2024, presentacion di cancion ganado di Festival Un Canto pa Aruba su Himno y Bandera y presentacion di Aruba, Orguyo di nos tur, acompaña pa orkesta cultural bou di direccion di e maestro Danny



En conexion cu celebracion di Dia di Himno y Bandera, Minister di Enseñansa y Deporte Endy Croes a atende Manifestacion Cultural na Plaza Betico Croes. Un cantidad di

persona tabata presente pa celebra nos dia nacional en grande y disfruta di e feria culinario cu benta di cuminda crioyo. Sr. Robert Jeando'r a interpreta nos himno nacional Aruba



Koolman.

Finalmente, Minister Endy Croes ta gradici pueblo henter cu a sali celebra Dia di Himno y Bandera grandemente y ta gradici

Comision Celebracion Dianan Nacional y colega Minister di Cultura Xiomara Maduro cu a organisa e gran evento cultural aki. Pabien Aruba!

PROFESOR LUUTSEN DE VRIES A ELABORA RIBA E AVANCENAN DI E PROYECTO DI MODERNISACION DI LEY DI ENSEÑANSA

Recientemente, Minister di Enseñansa y Deporte Endy Croes a ricibi bishita di profesor Luutsen de Vries cu lo permanece durante tres (3) siman. Sr. Luutsen de Vries ta contrata pa Bureau di Minister di Enseñansa pa trek e proyecto di modernisacion di leynan di enseñansa cu ta basa riba recomendacion 11 di Doorlichting van het Arubaanse Onderwijsbestel. E proyecto di modernisacion di leynan di enseñansa ta encera pa modernisa e leynan di scol preparatorio, scol basico y scol secundario. Pero tambe ta encera pa traha e leynan nobo pa enseñansa profesional (Beroeps Onderwijs), enseñansa superior (Hoger Onderwijs), enseñansa special (Speciaal Onderwijs) y Landsverordening

Onderwijstoezicht (LOT). Aña pasa a cuminsa traha e Landsverordering pa Inspeccion di Enseñansa, cual ta e ley di LOT. A traha riba e maneho, artikel den ley y memorie van toelichting y a presenta e ley aki a tur stakeholder pa asina nan tambe duna nan input. A entrega e ley di LOT na Directie Wetgeving en Juridische Zaken (DWJZ) y den e luna di juni e ley aki lo ta na Parlamento di Aruba. Mientrastanto a inicia cu e ley pa enseñansa profesional. Ta premira cu den e luna di juni lo presenta e ley aki na tur stakeholder pa despues wordo coregi y sigui cu caminda. Tambe, e ley di scol preparatorio y scol basico, ta dos diferente ley y ta trahando pa den future e bira



un solo ley. Regularmente, Sr. Luutsen ta reuni cu Departamento di Enseñansa, Plataforma 1 y Minister di Enseñansa pa trata e proyecto di modernisacion di e leynan di enseñansa. Minister Endy Croes a haya informacion amplio di e avancen cu ta tumando luga encunto e proyecto di modernisacion di e leynan di enseñansa.

Hospital cu mas oportunidad pa eleva calidad di cuida

HOH ACADEMY CU SESION TOCANTE DI ESTUDIO

PHYSICIAN ASSISTANT



Recientemente Horacio Oduber Hospital (HOH) a tene varios sesion di informacion tocante e estudio di Physician Assistant (PA). E estudio di PA ta uno bastante popular na Hulanda y sigur tambe uno interesante pa Aruba explora. Te na e momentonan aki no tin ningun Physician Assistant riba nos isla den e funcion aki. Departamento di HOH Academy hunto cu Geert van den Brink, coordinador di e Masteropleiding aki na HAN University of Applied Sciences na Hulanda, a duna informacion amplio di e trayecto y tambe e exigencianan pa por studia esaki. Alabes a duna informacion tocante e beneficio di tin e funcion aki na hospital y kico e ta nifica pa cuida medico en general.

Lenie Denteneer, manager HOH Academy, ta conta cu na momento cu e persona caba cu su estudio e lo por traha independiente pero tambe asisti un especialista ora mester y haci gran parti di e tareanan cu un dokter ta haci. Esaki lo por alivia cierto peso di e trabou cu e dokter of especialista ta haci. Asina por yuda tambe cu escasez di dokter cu ta un reto mundialmente. E ta sigui splica cu HOH Academy ta mira tremendo oportunidad den esaki pa esnan cu ya tin un educacion riba nivel di Bachelor den cuida pa sigui specialisa y asina crece den nan funcion y responsabilidadnan. Sin duda esaki ta un “win win” tanto pa e sector di cuida como tambe pa esun cu caba cu e estudio di PA.

Experiencia estudiante

Te cu awo tin solamente un persona cu ta siguiendo e estudio aki na Aruba, esta Gianina de Freijtas cu actualmente ta traha na policlinica di ginecologia como “klinisch verloskundige/ echoscopiste”. “Mi a scoge pa e estudio di Physician Assistant mirando cu mi ta traha hunto cu un grupo di seis especialista cu ta atende cu pashentnan cu un indicacion medico. Mi kier tin mas conocemento y mas experiencia den mi carera y loke mi ta gusta di e estudio aki ta cu e ta un estudio amplio. Awo mi ta hayando experiencia di diferente specialisacion cu normalmente mi no ta custumbra cune,” asina Gianina ta splica. E colaboracion ta bayendo bon y cu un bes pa siman e tin scol marduga ya cu tin e diferencia den ora cu Hulanda. E ta poco pisa pero e ta contento cu e resultado.

Miho calidad di cuida

“E estudio aki ta dirigi na e cuida directo di e pashent. E ta un estudio specialmente pa esnan



cu ta conta cu un estudio riba nivel di Bachelor y cu tin por lo menos dos aña di experiencia den un trabou cu tin contacto cu pashent. E estudio ta uno cu ta wordo realisa hunto cu e dunado di trabou, e estudiante y e universidad. Tur tres ta colabora pa yega na un final na favor di tur pa un balor agrega den cuida medico pe pashent,” segun Geert van den Brink. Parti di e stage ta sosode na hospital mes caminda e estudiante lo haya experiencia practico y e parti di teoria como tambe habilidad e estudiante lo siña via lesnan. E ta un combinacion entre estudio online y tambe fisico, pa cual e estudiante lo mester

bay Hulanda tambe algun bes pa aña.

HOH tin un necesidad grandi di personal specialisa di forma structural y esaki ta trece oportunidadnan unico pa atrae personal sea di Aruba mes of di exterior. Un otro paso padilanti pa loke ta adopta inovacion den educacion pa Horacio Oduber Hospital y Aruba.



Maduro & Curiel’s Bank ta anunsiá kambio di liderazgo

Willemstad, Kòrsou – Maduro & Curiel’s Bank (MCB) ta anunsiá un futuro transishon di liderazgo. Lionel “Chicu” Capriles II, ku ya pa 2 dèkada ta Presidente i CEO, a anunsiá su intenshon di bai retirá. MCB su Hunta di Komisario a inisiá e proseso pa haña un susesor pa liderá MCB Group.

Den un akclarashon riba su desishon, Chicu ta bisa: “Ta un berdadero honor pa liderá nos Grupo MCB, pa traha ku koleganan asina extraordinario, i humilde di ta den un posishon pa hasi kontribushonnan asina importante na e komunidatnan ku nos tin plaser di sirbi i yama kas.

Después di kasi 33 aña di servisio na Banko, sínembargo, ta tempu pa mi pasa e batuta pa un líder nobo. Banko ta fuerte, resiliente i sólido i nos kompromiso pa sirbi nos klientenan den e komunidatnan ku nos ta orguyoso di por yama nos kas, ta firme. Dor di anunsiá e desishon aki delantá, nos Hunta di Komisario tin suficiente tempu pa buska un susesor adekuá. Mientrastantu ta ‘business as usual’, pasó mi ta keda traha ku tur mi energía i dedikashon pa asina sigurá un transishon fásil pa mi susesor na su debido tempu”.

Islay McGlynn, Presidente di e Hunta di Komisario:

“Bou di liderazgo di Chicu MCB a kontinuá ku su trayectoria fuerte di kresementu. Komo é Banko di Karibe Hulandes, MCB ta aktivo den e ekonomianan i komunidatnan den kua e ta operá. Chicu a mantené su promesa di tene e balornan di famia, ku ta sinónimo na Banko for di día esaki a keda establese na 1916, haltu. Mientras Chicu ta kontinuá su ròl pa algún tempu, nos ta inisiá e proseso pa haña e siguiente Presidente i CEO di MCB. Esaki ta suprayá e importansia pa haña un líder adekuá”.

E Hunta di Komisario a inisiá un proseso diligente i bon planiá pa identifiká



un susesor, di kua por spe-
ra un anunsio den e prók-
simo 12 lunanan.

Hulandes i ku ta kapasitá
pa liderá e Banko den fu-
turo.

Ta buska un kandidato
ku ta komprondé e balor-
nan di e famia di MCB, ta
komprometé su mes na e
ekonomia i komunidatnan
di nos islanan den Karibe

Prioridat di e Hunta ta
pa sigurá un transishon
suave i transparente, ku
ta mantené e tradishon di
stabilidat, ekselensia i ser-
visio di MCB.



5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 20 Maart 2024 Merdia



Sorteo # 4215
6472
6845
6541



FP




Sorteo # 4215
6527



X2



Sorteo # 2271
8360



Sorteo # 4215
3162
Capricornio



Sorteo # 1089
278



X2



Sorteo #
0 x Jackpot
0 x Match 4+
0 x Match 4
0 x Afl. 12,00

Joker Letter

Proximo Jackpot

130.000,-



Sorteo #
0 x Jackpot
0 x Match 4
0 x Afl. 8,00

Proximo Jackpot

52.000,-




Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00

Mega Ball

Proximo Jackpot

290.000,-



Afl. 390.000,-



Sorteo #



Parlamentario Alvin Molina (MEP):

Un bunita cancha, ban cuid'e.



Village Basketball Court sigur ta e resultado di un bon colaboracion entre diferente departamento cu ta resorta bou di Minister Endy Croes. Nos por corda con e cancha tabata deplorabel y peligroso pa e habitantenan di Village y bisindario. Awe nos por wak cu e cancha ta un hoyo di proyecto. E trayecto no tabata uno facil y cu recurso financiero limita, pero e minister a demostra cu ora tin e deseo, disciplina, dedicacion y determinacion ta logra e meta comun. Nos por wak bek riba un proyecto exitoso na bienestar di e mucha- y hobennan di

San Nicolas. Durante mi bishitanan na e cancha mi por mira e muchanan den bario contento ta practicando deporte. Loke falta ainda ta un bari di sushi, cual ta importante pa esnan cu ta frecuente e cancha aki, por deshaci di nan desperdicio. Tambe, falta e gol di futbol y un net di volleyball. Sigur un plan di MANTENCION ta di vital importancia pa asina nos por gosa di e cancha pa hopi aña. Esaki mester ta un colaboracion entre e habitantenan, esnan cu ta haci uzo di e cancha deportivo y gobierno. Mi ta invita e habitantenan di

Village y bisindario pa e apertura oficial cu ta tuma luga diabierna 22 di maart di 5:30 pm pa 7:30 pm.

Danki na Minister Endy Croes y su ekipo pa duna oido na nos peticion y pa ehecuta e bunita proyecto

aki. Alabes mi ta gradici e habitantenan di Village y bisindario pa nan pasenshi y "input".



Horoscop pa dia 21 di maart 2024

Feliz y productivo dia. Awe Solo di Pueblo ta presenta Horoscop pa dia 21 di maart 2024.

Aries

Debi na bo character alegre, hende lo acerca bo. Awe nan lo debilbe bo e placa cu bo a presta un tempo pasa. Lo bo muestra bo capacidad di traha cu otro hende. No lo ta di mas si bo revisa bo colesterol. Number di suerte: 45, 88, 5.

Tauro

Riba amor, tuma abo e iniciativa e biaha aki. Bo tin un suerte envidiabel cu placa. Ta demasiado ambicioso den bo trabao no ta consehabel. E oranan diario di soño ta como minimo ocho. Number di suerte: 24, 39, 7.

Geminis

Comparti mas cos cu bo pareha y lo bo mira bida di otro colo. Entrada nobo lo yega riba bo cuenta. Corda, e aspecto ta importante den e entrevistanan. Bo salud lo cuminsa mehora. Number di suerte: 14, 35, 3.

Cancer

Den amor, no preocupa y sigur algo lo surgi. Evita traha debe nobo. Trabao ta importante, pero tempo liber tambe. No magnifica bo problemanan di salud y resolve nan. Number di suerte: 32, 69, 4.

Leo

Lo bo sinti frustracion ora bo perde pasenshi cu bo pareha. Uza bo sabiduria y no cuminsa cumpra sin paracion. E diferencianan cu bo hefe lo ta mitiga. Bo ta sinti bo cansa, descansa mas. Number di suerte: 84, 45, 3.

Virgo

Dia ideal pa conkista amoroso.

Tin otro cos fuera di placa, no lubida. E dia laboral ta yena di idea y proyecto cu

hopi futuro. Bo tendencia na bira gordo ta impone pa bo cuminsa un dieta. Number di suerte: 81, 21, 8.

Libra

Bo ta atravesando door di un momento ideal. Awe t'e dia pa reserva e biahe di bo soño. Acepta e oferta bentahoso aki di trabao. Consulta cu bo dokter e cansancio persistente ey. Number di suerte: 92, 95, 2.

Scorpio

Duna rienda suelta na afecto y lo bo ta hopi feliz. Lo bo dispone di e placa cu bo tin mester danki na un famia. Bo ta den e momento di mayor madurez profesional. Huy di cuminda vet, pica of cu specerij. Number di suerte: 76, 19, 1.

Sagitario

Dia yena di satisfaccion riba tereno afectivo. Sigui perde placa ta un luho cu bo no por permiti. Lo bo por pone den practica bo conocementonan laboral. Trastorno chikito den e aparato respiratorio. Number di suerte: 17, 18, 4.

Capricornio

E conehonan precedente di bo famia lo ta riba cabes di clabo. Bon dia pa efectua inversion rendabel. Coopera cu bo companeronan di trabao. Bo wesonan ta haci dolor, tuma baño relahante. Number di suerte: 81, 32, 5.

Acuario

Totalmente iresistibel, no keda sin proba. Pone bo cuentanan di banco na ordo. E relacion cu bo companeronan di profesion lo mehora. Posibel dolor di cabes y nausea. Number di suerte: 17, 96, 7.

Piscis

Bo descuido personal leve ta afecta bo pareha hopi. Evita e gastonan innecesario. Pone atencion n'e detayenan chikito di bo ambiente laboral. Evita cuminda cu por provoca gas. Number di suerte: 96, 91, 5.

5 Oro, 2 Plata y 3 Brons na President's Cup na Costa Rica



di Latino America, Merca, Europa, Caribe, Rusia y Asia.

E biaha aki Taekwondo Team Aruba a participa cu 10 atleta ariba Diadomingo y logra 10 Medaya. Oro pa e siguiente 5 atletanan: Aidan Klaber, Shenille Perez, Sharik Villamarin, Xamier Lake y Jethro D' Lisle. Silver pa e siguiente 2 atletanan: Quinten Klaber y Rachid Erasmus. Brons pa e siguiente 3 atletanan: Arya Genser, Tamara Erasmus y Jeroan Nicholson.

Taekwondo Team Aruba ta gradici tur hende cu a cumpra e rifa di e set di Carnaval y e set di Camping y tambe e automobilistanan cu a pasa deposita den e botin ariba e brug di Renaissance.



Taekwondo Team Aruba a gana 10 medaya na Costa Rica den e President's Cup bou guia di Master Clifford Rasmijn y Master Yosmar Wever. Taekwondo Team Aruba

tabata bon ekipa e biaha aki y a biaha cu varios ayudante, manera Angela Angela cu tabata encarga cu tur e damasan, mientras cu Miguel Genser tabata encarga cu e mucha

hombenan y tambe como coach y dokter.

President's Cup G2 ta un di e eventonan grandi den e area Latino Americano y tabata tin participante for

Invitacion pa sector priva y NGO pa workshop di Comunicacion Strategico di SDG

ORANJESTAD: Gobierno di Aruba pa medio di SDG Commissie Aruba den colaboracion cu Nacionnan Uni ta organisando un workshop riba e thema "Raising SDG Public Awareness". E workshop tin como meta pa aumenta e conocimiento y crea concientisacion tocante e Metanan Mundial pa Desarrollo Sostenibel (SDG) 2030 di Nacionnan Uni. Aruba como pais autonomo den reino Hulandes tambe a uni su mes na logra e metanan aki. Ken por participa?

SDG Commissie Aruba ta invita companianan, organisacionnan, NGO's y prensa pa inscribi un representante cu ta traha den e area di Comunicacion, PR, Marketing of di Maneho (policy) pa acudi na e workshop. Contenido di e workshop E participante lo siña strategianan di Comunicacion con pa aplica e conocimiento di SDG's den e empresa of organizacion y evidence based communication. Como tambe e balor di crea partnerships, best

practices y hermentnan y di e forma aki contribui na concientisacion di e Metanan Mundial pa Desarrollo Sostenibel. Dia: 27 di maart 2024 Orario: 1 PM pa 4.30 PM Lugar: DEACI / Directie Economische Zaken, Handel en Industrie @ Sun Plaza Mall. Costo: gratis Pa registra por bishita e pagina di Facebook of Instagram di SDG Aruba of klik riba e link yena e formulario: <https://forms.gle/f4yNDYQQaf-joqwCs7>



Minister Ursell Arends:

Hadrian di Alimentacion na IPA Inversion den nos docentenan ta un inversion directo den e futuro di nos isla

Diasabra 16 di maart 2024, studiantenan di Instituto Pedagogico Arubano (IPA) a uni forsa pa planta nan hardin di alimentacion den cuadro di e proyecto di agroforesteria. E dia aki ta coincide cu Aruba Doet, un recordatorio poderoso di e forsa di comunidad y e importancia di esfuerzo colectivo pa e bienestar di nos isla.

E inclusion di Instituto Pedagogico Arubano (IPA) den e proyecto di agroforesteria ta un paso adelante den formacion di nos futuro docentenan. Ta ofrece nan e hermentnan necesario pa duna les tocante agricultura sostenibel y seguridad di alimentacion, inspirando asina e

siguiente generacion cu e importancia di cuida nos medio ambiente y provee pa nos mes.

Preparacion pa e plantamento a inclui un presentacion tocante e practica di agroforesteria, dunando studiantenan y docentenan un bista profundo riba e beneficiacion y mantencion di e hardin di alimentacion, y e meta final di e proyecto. E participacion di varios maestronan ta subraya e compromiso di IPA cu educacion integral y aplicabel na bida real.

Segun Minister Ursell Arends, encarga cu Sector Primario, "E iniciativa di introduci agroforeste-

ria den nos scolnan ta un paso grandi pa incorpora practicanan di agricultura sostenibel den e educacion di nos hobennan. Cada inversion den nos docentenan ta un inversion directo den e futuro di nos isla, y mas importante, den e futuro di nos muchanan."

E fruto di e proyecto ya ta visibel den e dedicacion di e comunidad escolar, e esfuerzo incansabel di bolarionan, y e apoyo di partners di proyecto, esta Santa Rosa y Living Soil. Un palabra di gradicimento ta bay na maestronan di IPA, esta Jantine de Groot, Gregory Goedgedrag y Marilyn Richardson.



Huntu nos ta sembrando simia pa un futuro unda cada hoben tin e conocimiento y pasion pa mantene nos seguridad di alimentacion. E hardin di

alimentacion na IPA no ta simplemente un proyecto; e ta un simbolo di speranza, innovacion y un compromiso pa un Aruba mas autosuficiente.

FORTALEZA PA FAMILIA

Scirbi pa Pastor Marcel Balootje.

NADA POR STROBA E PROPOSITO Y E PERFECTO BOLUNTAD DI DIOS

Locual e diabel kier haci pa malo, Señor lo cambie pa bon. Pasobra Dios ta Dios, y Dios no ta move segun boluntad di hende, ta hende tin cu somete nan mes na e perfecto boluntad di Dios. Hende ta propone tur dia, pero ta Dios tin e ultimo palabra, ta Dios ta dispone.

Den Isaías capitulo 14:27 ta para scirbi lo siguiente: Pasobra e Señor di ehercitonan a planea, y ken por anula esaki, y pa loke ta su man extendi, ken por hale bek?

Den e buki di Job capitulo 42:2 ta para scirbi lo siguiente: Mi sa cu Bo por tur cos, y cu ningun di bo propositonan no por wordo stroba.

Tur locual e rumannan di Hose (Genesis capitulo 37) a haci cune pa kita su bida, nan no por a logra nada, alcontrario nan a pushe pa yega na e proposito cu Dios tabatin pa su bida, y den momento di hamber den e pais, Dios usa esun cu a wordo bendi pa Su honra y gloria.

Ora nos ta mira maldad ta avansa, y cuanto hende ta apoya maldad, inmoralidad y malicia, hende por pensa cu maldad lo triunfa, pero ta para scirbi, cu Cristo Hesus ta e Vencedor e Rey di reynan y Señor di señornan. E ta Señor riba tur cos. (Filipensenan 2:9-11).

No ta esun cu sali prome, ta gana pero esun cu perservera ta na final esey lo ta esun cu lo ricibi e corona di bida, pesey nos mester kita nos bista for di riba hende, y mantene nos bista fiho riba Dios, Pasobra ta Señor ta nos unico, refugio y nos unico speransa, Señor ta nos baranca eterno.

Palabra di Dios ta bisa nos:

Pesey mi ta roga boso rumannan, pa medio di e misericordianan di Dios, pa presenta boso curpanan como sacrificio bibo y santo, aceptabel pa Dios, cual ta boso sirbishi spiritual di adoracion.

Y no sea conforme e mundo aki, ma sea transforma pa medio di e renobamento di boso mente, pa boso por comproba, kico ta e bon, y agradabel y perfecto boluntad di Dios. (Romanonan 12:1-2).

Tur hende mester compronde cu Dios, no ta sostene maldad, Dios no ta sostene in-



moralidad, Dios no ta sostene malicia y violencia, asina un hende ta involucra su den mes den cosnan cu Dios no ta sostene e persona ey no ta den boluntad di Dios.

Ta segun e bon ehempel cu un tata duna den cas, su yiunan por copia y bira bon ciudadano, pero ora un tata of mama ta duna ehempel di rebeldia y inmoralidad, yuinan no tin caminda di ricibi bon educacion, y esey ta haci cu mayornan e bes di ta bon ehempel, ta bira piedra di trompica.

Señor ta declara den su palabra: Ami ta Señor kende ta declara e fin for di principio, y for di temponan antiguo, cosnan cu no a wordo haci ainda bisando: Mi proposito lo wordo estableci, y lo Mi cumpli cu tur loke ta agrada Mi. (Isaías 46:10).

Tin hopi plan den curason di hende, ma e consejo di Señor esey lo permanece. (Proverbionan 19:21).

Pesey no tira boso confiansa afo, cual tin un gran recompensa. Pasobra boso tin mester di perserverancia, pa ora boso haci e boluntad di Dios, boso ricibi loke a wordo priminti. Pasobra denter di masha poco tempo: Esun cu ta pa bin lo bin, y lo no tarda.

Ma e husto lo biba pa medio di Fe. Y si e hala atras Mi alma no tin placer den dje. (Hebreonan 10:35-36).



Obituario



Publica serka nos anuncio di fayecimento di bo ser kerí.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro.
Amen.

Estudio Viagra por preveni Alzheimer

Un investigacion nobo riba gran escala a recopila evidencia cu ta sugeri cu e uzo di sildenafil, e principal componente di Viagra y otro remedi uza pa tratamiento di disfuncion erectil, por yuda proteha e celnan cerebral di e malesa di Alzheimer.

E estudio, publica na principio di luna den e revista Journal of Alzheimer's Disease, a wordo dirigi p'e cientificonan di Clinica Cleveland (Ohio, Merca) u ta basa riba analisis di dato di hallazgo anterior cu a asocia e medicamento cu un reduccion di casi 70% den e incidencia di e malesa.

Den e oportunidad aki, dokter Feixiong Cheng y su ekipo a inspecciona dos base di dato (MariketScan Medicare Supplemental y Clinformatics), di unda nan a tuma dato di "pashent real" cu nan a tuma di sildenafil of un di e cuater medicamentonan cu cual a compara su efectividad.

Despues di organisa y stratifica e cifranan pa genero, edad, rasa y comorbilidad, e expertonan a haya cu e personanan trata cu sildenafil a presenta un probabilidad reduci di entre 30 y 54%, di ta diagnostica cu Alzheimer, compara cu e remedinan di control. "Nos a uza inteligencia artificial pa integra dato den multiple dominio, tur den cual a indica e potencial di sildenafil contra e malesa neurologico devastador," Cheng a indica.



remedi manera esaki, of otro existente pa fin terapeutico nobo, "ta ofrece un alternativa practico n'e proceso tradicional di descubrimiento di remedi costoso y lento," Clinica Cleveland a subraya.

Tambe, e investigacion a revela cu e sildenafil ta reduci e nivelnan di proteina neurotoxico tau, cu sa acumula den e cerebro di e personanan cu e padecimento aki.

"E neuronanan trata cu sildenafil a expresa gen relaciona cu e crecimiento celular, un miho funcion cerebral, un reduccion di inflamacion y otro proceso conoci pa proteha contra e degeneracion neuronal asocia cu e malesa," Clinica Cleveland a señala den un articulo.

Cheng ta considera cu e conclusionnan aki "ta duna mas peso" n'e estudionan anterior cu ta respalda e existencia di un vinculo entre e medicamentonan pa disfuncion erectil y e reduccion di riesgo di Alzheimer y ta proporciona e "evidencia necesario" pa nan haci test clinico cu ta analisa mas profundamente su eficacia potencial.

Alzheimer ta un malesa cu ta rekeri cu urgencia di "terapia nobo", Cheng ta opina, ya cu ta calcula cu actualmente ta afecta mas di seis mion di Mericano y ta spera cu su incidencia triplica pa 2050. Den e contexto aki e reuzo di

CHAPI Y VERF HANDY MAN

Nos ta haci tur sorto di chapi y verf cas, edificio, school.
Nos ta tira sushi afo.

Cel: 561-1397



Cu tristesa na nos curason,
Avondhavo/-vwo Aruba ta anuncia fayecimento di

**SRA. FEDERICA B.
FINGAL**

★ 4 juli 1951
† 13 maart 2024

Mama di nos kerida colega
Gislaine Boekhoudt-Jacobs

Avondhavo/-vwo kier a extende palabranan
di profundo condolencia na henter famia.
Cu Sra. Federica sosega na paz

AVONDHAVO-UWO ARUBA
Durf de uitdaging aan!!!



UN ATENSHON SPESIAL PA MAMA

Presentashon úniko di JEON i Boy Thode riba
Dia di Mama den WTC

Dia 12 di mei próksimo (Dia di Mama) lo tin un presentashon úniko i spe-
shal di e artista
internashonal di Aruba
JEON i Boy Thode den
Exhibition Hall di World
Trade Center
Curaçao. Durante di e
evento aki lo tin diferente
sorpresa pa e Mamanan i
tambe e fiel
fanátiko di e dos artistan-
an aki. JEON lo interpretá
su hitnan manera ‘Miss
Dior’,
‘Nijmegen’, ‘Agradecido’
i ‘Miss Universo’. Boy lo
kanta su hitnan manera
‘Un Muhé Bal
Mas’, ‘E Sekreto’, ‘Portrèt
di nos Mamai’, ‘Maske
bo’n ke mi mas’ i ‘Ayo
Amor’. Durante
di e show, JEON i Boy
Thode lo lansa tambe un
piesa nobo ku nan lo kanta
huntu;

speshal pa e okashon aki.
Komo invitado speshal, lo
tin e tata di JEON, Robert
Thiel ku lo interpretá su
merengue
legendario ‘Serenada’. E
orkesta di maestro Dennis
Aalse lo kompañá JEON i
Boy
Thode, loke ta garantia
pa un tremendo ambiente
musikal. E aktividat lo ku-
minsa 6’or di
atardi i lo dura te 10’or
di anochi. Angelique
Klooster lo sòru pa e parti
spiritual i Semii
Marten di Boneiru tambe
lo entretené e mamanan
ku algun kansion. Esaki lo
garantisá
variedat durante e ano-
chi. Lo ta un eksperensia
inolvidabel pa tur mama
i otro
invitadonan.
Zonido I lus lo ta na en-
kargo di Massive i VEN-

EQUIP lo sòru pa tin kori-
ente konstante
i stabil durante di e even-
emento.
E sala lo konsistí di tres
seksjon: ‘General’, ‘VIP’
i ‘Platinum’ (limitá). Tur
tres seksjon
lo tin nan mesa. Lo tin po-
sibilidat pa reservá mesa
den tur tres seksjon. E
seksjon di
‘Platinum’ lo ta riba es-
enario pa duna e invitado
un eksperensia speshal
durante di e
presentashon. Karchinan
pa seksjon ‘General’ ta
NAf 125 pa persona, sek-
sjon di VIP
(bibida ilimitá i snacks) ta
NAf 275 pa persona, i sek-
sjon di ‘Platinum’ (bibida
ilimitá i
pasapalu riba stage) lo ta
NAf 425 pa persona.
Pa reservashon i kompra
di karchi òf mesa di VIP i

PLATINUM por yama
788-6777 òf
519-7777 (whatsapp), mail
camscuracao@gmail.com
òf subi www.cams-events.
com
Karchinan ta optenibel na
Ticketpoint (Zeelandia),
Mensing’s Caminada,

24Uur Uit de
Muur I Travel Traffic II,
Beep Beep, of online via
www.cams-events.com.

CAMS Events ta invitá tur
fanátiko di JEON i Boy
Thode na e evento úniko
aki


Clasificados



SOLODIPUEBLO@GMAIL.COM

CEL. 585 9500





PRONOSTICO DI TEMPO

VALIDO TE DIAHUEBS 21 DI JANUARI
2024, 18:00 ORA

TEMPO:
AWE TARDI Y AWE NOCHI: PARCIALMENTE
NUBLA Y GENERALMENTE SECO

DEN MARDUGA Y MAYAN: PARCIALMENTE
NUBLA CU UN AWACERO PASAJERO

POTENCIAL DI AWACERO PA PROXIMO 24
ORA:

1 MM; LOCALMENTE ESAKI POR TA DIFE-
RENTE.

REGISTRACION DI TEMPERATURA (GRA-
DO CELSIUS) Y

AWACERO (MM) DEN ULTIMO 24 ORA (8’AM
PA 8’AM):

PRONOSTICO DI TEMPO PA PROXIMO 3
DIANAN:

PARCIALMENTE NUBLA CU UN AWACERO
BREVE.


BIENTO LO TA FOR DI DIRECCION OOST Y
MODERA;

BASTA FUERTE DEN RAFAGA;

TEMPERATURA (GRADO CELSIUS) MAX /
MIN LO TA: 31 / 27

DJADI MINGU

12
DI MEI
2024



Show lo
kuminsa
18:30

UN
ATENSHON
SPECIAL
Pa
MAMA

18:00 - 22:00

WORLD TRADE CENTER

Curaçao